

**FRAMKVÆMDARREGLUGERÐ FRAMKVÆMDASTJÓRNARINNAR (ESB)
nr. 489/2012**

2013/EES/28/07

frá 8. júní 2012

**um framkvæmdarreglur vegna beitingar 16. gr. reglugerðar Evrópuþingsins og ráðsins (EB)
nr. 1925/2006 um íblöndun vítamína og steinefna og tiltekinna annarra efna í matvæli (*)**

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1925/2006 frá 20. desember 2006 um íblöndun vítamína og steinefna og tiltekinna annarra efna í matvæli ⁽¹⁾, einkum 16. gr.,

og að teknu tilliti til eftirfarandi:

- 1) Með 16. gr. reglugerðar (EB) nr. 1925/2006 er því komið á að eigi síðar en 1. júlí 2013 skuli framkvæmdastjórnin leggja skýrslu fyrir Evrópuþingið og ráðið um áhrif vegna framkvæmdar þeirrar reglugerðar. Með tilliti til þess skulu aðildarríkin veita framkvæmdastjórninni nauðsynlegar, viðeigandi upplýsingar.
- 2) Nauðsynlegar, viðeigandi upplýsingar sem aðildarríkjunum ber að veita skulu tengjast þróun markaðarins fyrir matvæli sem vítamínum og steinefnum hefur verið blandað í, þ.m.t. gögn sem sýna fram á horfur á markaðinum síðan íblöndun vítamína og steinefna í matvæli var samræmd á vettvangi Sambandsins.
- 3) Slíkar upplýsingar skulu innihalda neyslumynstur á matvælum sem vítamínum og steinefnum hefur verið blandað í og upplýsingar um inntöku íbúa og sérstakra íbúahópa, ef við á, á vítamínum og steinefnum. Þetta skal innihalda upplýsingar sem sýna fram á breytingar á neysluvenjum síðan íblöndun vítamína og steinefna í matvæli var samræmd.
- 4) Viðeigandi upplýsingar sem aðildarríkjunum ber að leggja fram skulu einnig varða íblöndun efna, annarra en vítamína eða steinefna, í matvæli, þ.m.t. fæðubótarefni eins og þau eru skilgreind í tilskipun Evrópuþingsins og ráðsins 2002/46/EB frá 10. júní 2002 um samræmingu laga aðildarríkjanna um fæðubótarefni⁽²⁾. Slíkar upplýsingar skulu innihalda upplýsingar um neyslu slíkra matvæla og magn íblandaðra efna og um allar landsráðstafanir, hvort sem þær eru löggjöf eða ekki, sem hafa verið gerðar til þess að takmarka eða banna notkun tiltekinna annarra efna í matvæli.
- 5) Nauðsynlegt er, með þessum framkvæmdarreglum, að taka saman skrá yfir viðeigandi upplýsingar sem aðildarríkin

skulu safna og leggja fyrir framkvæmdastjórnina og að ákvarða sameiginlegt snið fyrir framsetningu þessara upplýsinga.

- 6) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

1. gr.

Viðfangsefni

Í þessari reglugerð eru settar framkvæmdarreglur vegna beitingar á 16. gr. reglugerðar (EB) nr. 1925/2006 og einkum um miðlun aðildarríkjanna á nauðsynlegum, viðeigandi upplýsingum til framkvæmdastjórnarinnar í þeim tilgangi að meta áhrif vegna framkvæmdar reglugerðar (EB) nr. 1925/2006.

2. gr.

Viðeigandi upplýsingar

1. Eigi síðar en 1. júlí 2012 skulu aðildarríkin veita framkvæmdastjórninni nauðsynlegar, viðeigandi upplýsingar, einkum að því er varðar eftirfarandi:

- a) þróun innanlandsmarkaða fyrir matvæli sem vítamínum og steinefnum hefur verið blandað í, síðan á gildistökudegi reglugerðar (EB) nr. 1925/2006,
- b) neyslumynstur á matvælum sem vítamínum og steinefnum hefur verið blandað í,
- c) það magn sem íbúar taka inn af vítamínum og steinefnum,
- d) íblöndun efna, annarra en vítamína eða steinefna, í matvæli, þ.m.t. fæðubótarefni eins og þau eru skilgreind í a-lið 2. gr. tilskipunar 2002/46/EB, og upplýsingar um neyslumynstur á slíkum matvælum sem og magnið af þessum efnum sem er blandað í matvæli og fæðubótarefni.

2. Nauðsynlegu, viðeigandi upplýsingarnar, sem aðildarríkjunum ber að veita framkvæmdastjórninni, sem um getur í 1. mgr. skulu innihalda a.m.k. upplýsingarnar sem eru tilgreindar í I. viðauka við þessa reglugerð.

Nauðsynlegu, viðeigandi upplýsingarnar og einstök atriði þeirra skulu lögð fyrir framkvæmdastjórnina á því sniði sem mælt er fyrir um í II. viðauka við þessa reglugerð.

3. Aðildarríki skal tilkynna framkvæmdastjórninni um það ef einhverjar af upplýsingunum, sem tilgreindar eru í I. viðauka, eru ófáanlegar eða ef er ekki hægt, af öðrum ástæðum, að veita framkvæmdastjórninni þær fyrir 1. júlí 2012.

(*) Þessi EB-gerð birtist í Stjtið. ESB L 150, 9.6.2012, bls. 71. Hennar var getið í ákvörðun sameiginlegu EES-nefndarinnar nr. 56/2013 frá 3 maí 2013 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, bíður birtingar.

⁽¹⁾ Stjtið. ESB L 404, 30.12.2006, bls. 26.

⁽²⁾ Stjtið. EB L 183, 12.7.2002, bls. 51.

3. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 8. júní 2012.

Fyrir hönd framkvæmdastjórnarinnar,

forseti.

José Manuel BARROSO

I. VIÐAUKI

Nauðsynlegar, viðeigandi upplýsingar sem aðildarríkjunum ber að veita í þeim tilgangi að meta áhrif vegna framkvæmdar reglugerðar (EB) nr. 1925/2006

- A. Upplýsingar um þróun innanlandsmarkaða fyrir matvæli, sem vítamínun og steinefnum hefur verið blandað í, skulu innihalda eftirfarandi:
1. Almennar upplýsingar um innanlandsmarkaðinn, þ.m.t. markaðshlutdeild tiltekinna matvæla eða matvælaflokka.
 2. Upplýsingar um horfur varðandi þróun innanlandsmarkaðarins.
- Upplýsingarnar, sem um getur í 1. og 2. lið, skulu innihalda upplýsingar um matvæli sem innihalda þau vítamín og steinefni sem er algengast að blanda í matvæli og upplýsingar um magn vítamína og steinefna sem er blandað í matvæli. Slíkar upplýsingar má fá úr markaðsskýrslum sem fást á almennum markaði, landsbundnum eftirlitsráðstöfunum og öðrum viðeigandi og skilgreindum heimildum.
- B. Upplýsingar um neyslumynstur matvæla sem vítamínun og steinefnum hefur verið blandað í skulu innihalda eftirfarandi:
1. Upplýsingar um neyslumynstur hjá íbúum og, ef við á, hjá sérstökum íbúahópum, á tilteknum matvælum eða matvælaflökkum sem vítamínun og steinefnum hefur verið blandað í, þ.m.t. slíkar upplýsingar um matvæli sem innihalda þau vítamín og steinefni sem er algengast að blanda í matvæli og upplýsingar um magn vítamína og steinefna sem er blandað í matvæli.
 2. Upplýsingar sem fengnar eru með könnunum á neyslu sem eru dæmigerðar fyrir landið, gögnum úr fræðilegum rannsóknum og öðrum viðeigandi og skilgreindum heimildum, þ.m.t. upplýsingar um aðferðafræði neyslukönnunarinnar, s.s. aðferðafræðina við matið á neyslunni og hvaða undirhópar og aldursflokkar íbúa voru metnir.
 3. Upplýsingar um allar breytingar sem komu í ljós varðandi almennar neysluvenjur og horfur varðandi neyslu á matvælum sem vítamínun og steinefnum hefur verið blandað í, einkum þær breytingar sem gætu tengst gildistökudegi reglugerðar (EB) nr. 1925/2006. Aðildarríkin skulu veita upplýsingar um grundvöllinn fyrir þessum breytingum sem komu í ljós, þ.m.t. upplýsingar um grunngreininguna sem er notuð til að bera saman fyrri og núverandi neyslu á matvælum sem vítamínun og steinefnum hefur verið blandað í.
- C. Upplýsingar um inntekið magn vítamína og steinefna skulu innihalda eftirfarandi:
1. Upplýsingar um það magn sem íbúar og, ef við á, sérstakir íbúahópar taka inn af vítamínun og steinefnum. Þessar upplýsingar skulu fengnar með gögnum úr heimildum sem um getur í lið B.2 í þessum viðauka.
 2. Upplýsingar um allar breytingar sem komu í ljós varðandi inntekið magn af vítamínun og steinefnum, þ.m.t. horfur varðandi inntekið magn sem gætu tengst gildistökudegi reglugerðar (EB) nr. 1925/2006. Aðildarríkin skulu veita upplýsingar um grundvöllinn fyrir þessum breytingum sem komu í ljós, þ.m.t. upplýsingar um grunngreininguna sem er notuð til að bera saman inntekið magn vítamína og steinefna fyrir og eftir gildistökudag reglugerðar (EB) nr. 1925/2006.
- D. Upplýsingar um íblöndun efna, annarra en vítamína og steinefna, í matvæli skulu innihalda eftirfarandi:
1. Upplýsingar um innanlandsmarkað fyrir matvæli sem tilteknum öðrum efnum hefur verið blandað í, þ.m.t. markaðshlutdeild tiltekinna matvæla eða matvælaflokka.
 2. Upplýsingar um innanlandsmarkað fyrir fæðubótarefni, eins og þau eru skilgreind í a-lið 2. gr. tilskipunar 2002/46/EB.
 3. Upplýsingar um efni sem er algengast að blanda í matvæli, byggðar á upplýsingum úr markaðsskýrslum sem fást á almennum markaði, landsbundnum eftirlitsráðstöfunum og öðrum viðeigandi og skilgreindum heimildum og skulu innihalda upplýsingar um það í hvaða magni öðrum efnum er blandað í tiltekin matvæli eða matvælaflokka.
 4. Upplýsingar um landsráðstafanir, þ.m.t. löggjafarráðstafanir og aðrar ráðstafanir, sem er ætlað að takmarka eða banna notkun annarra efna við framleiðslu matvæla, þ.m.t. fæðubótarefni.

II. VIÐAUKI

Snið fyrir framsetningu upplýsinga sem aðildarríkin leggja fram

Þróun markaðarins fyrir matvæli sem vítamínur og steinefnum hefur verið blandað í

Tegund upplýsinga sem skal leggja fram	Gagnaheimildir
Hlutdeild mismunandi matvæla, sem vítamínur og steinefnum hefur verið blandað í, eftir matvælaflokkum á innanlandsmarkaði, eins og þau eru skilgreind í aðalmatvælaflokkunum 20 í FoodEx-matvælaflokkunarkerfinu ⁽¹⁾ , að undanskildum matvælum til sérstakra, næringarlegra nota og fæðubótarefnum.	
Horfur að því er varðar stærð markaðar fyrir matvæli sem vítamínur og steinefnum hefur verið blandað í og einkum upplýsingar um markaðinn fyrir og eftir gildistökudag reglugerðar (EB) nr. 1925/2006.	
⁽¹⁾ Matvælaöryggisstofnun Evrópu: The food classification and description system FoodEx 2 (draft- revision 1). Supporting Publications 2011:215. [438 bls.]. Aðgengilegt á Netinu: www.efsa.europa.eu	

Neyslumynstur á matvælum sem vítamínur og steinefnum hefur verið blandað í

Tegund upplýsinga sem skal leggja fram	Gagnaheimildir
Meðalneysla íbúa á matvælum sem vítamínur og steinefnum hefur verið blandað í.	
Meðalneysla íbúa á matvælum, sem vítamínur og steinefnum hefur verið blandað í, hjá eftirfarandi íbúahópum:	
<ul style="list-style-type: none"> – fullorðnir (18 ára og eldri), – börn (yngri en 18 ára) og, ef við á, tilgreindir aldurshópar og – eftir matvælaflokkum eins og eins og þeir eru skilgreindir í aðalmatvælaflokkunum 20 í FoodEx-matvælaflokkunarkerfinu, að undanskildum matvælum til sérstakra, næringarlegra nota og fæðubótarefnum. 	
Magn vítamína og steinefna sem er blandað í matvælin, samkvæmt aðalmatvælaflokkunum 20 í FoodEx-matvælaflokkunarkerfinu. Þetta skal gefið upp sem íblandað magn eða sem magnbil.	
Breytingar sem komu í ljós varðandi neyslumynstur á matvælum sem vítamínur og steinefnum hefur verið blandað í, þ.m.t. gögn um grunngreininguna sem er notuð til að bera saman neyslu fyrir og eftir gildistökudag reglugerðar (EB) nr. 1925/2006.	

Inntekið magn vítamína og steinefna

Tegund upplýsinga sem skal leggja fram	Gagnaheimildir
Meðalmagn sem íbúar taka inn af vítamínur og steinefnum.	
Meðalmagn sem eftirfarandi íbúahópar taka inn af vítamínur og steinefnum:	
<ul style="list-style-type: none"> – fullorðnir (18 ára og eldri), – börn (yngri en 18 ára) og, ef við á, tilgreindir aldurshópar. 	
Aðferðafræði neyslukönnunar (einkum aðferðir við mat á neyslu, aldurshópar, undirhópar íbúa).	
Breytingar sem komu í ljós varðandi inntekið magn af vítamínur og steinefnum, þ.m.t. gögn um grunngreininguna sem er notuð til að bera saman magn inntöku fyrir og eftir gildistökudag reglugerðar (EB) nr. 1925/2006.	

Íblöndun annarra efna en vítamína eða steinefna

Tegund upplýsinga sem skal leggja fram	Gagnaheimildir
<p>Hlutdeild matvæla, sem öðrum efnum hefur verið blandað í, á innanlandsmarkaði, þ.m.t. fæðubótarefni, samkvæmt eftirfarandi flokkum efna sem eru notuð:</p> <ol style="list-style-type: none">1. Amínósýrur2. Ensím3. Bætibakteríuörvandi efni (e. <i>prebiotics</i>) og bætibakteríur4. Lífsnauðsynlegar fitusýrur og aðrar sérstakar fitusýrur5. Plöntuefni og plöntuefnaútdráttur6. Önnur efni	
<p>Horfur að því er varðar stærð markaðar og einkum upplýsingar um markaðinn fyrir og eftir gildistökudag reglugerðar (EB) nr. 1925/2006.</p>	
<p>Landsráðstafanir sem varða takmörkun eða bann við notkun annarra efna við framleiðslu matvæla, þ.m.t. fæðubótarefni.</p>	